

LA USC DI LADINS – VENERDI' 6 LUGLIO 2018

Na gran agajon a Moena

En mèrtesc domesdi na bomba de èga à descìarià te paisc 130 millimetres de èga. Dan a cèses, hotie e boteighes



Retrac del di de l'agajon, di intervenc de la Protezion zivila e de la situazion l di dò.

Moena - "Lè stat na apocalisse, n vero desaster, che nesciugn se spetava" Tè i comenc de la jent da Moena, en mèrcol ai 4 de messèl, da doman bonora. L'è n paisc sotessosa, dutintorn mauta e èga, giara, rames. L'è chel che se à podù veder con la pruma lumes del di dò. I di dò la gran agajon che en mèrtesc domesdi, te nienco doi oes, à blocà l paisc de Moena. L'è tacà ite entorn la does domesdi a piever fort, dapò l se à metù a bozòler e a piever amò più debel, na gran bomba de èga che te poch temp à trat jù 130 millimetres de èga, data ensema. Se à stropà tombina e pozec, i ruves à tacà a vegnir soa fora, daperdut

olache fera de picoi ruves à tacà a smolinèr jù l teren.

La situazion pìora è stata te zenter de Moena, l ruf de Costalongia se à empìen e l'è tacà a jir soa fora. N ruf de èga rossicia, mauta, sase, rames passèa fora per strèda R. Loewy. L'èga è jita te la còvenes, te la boteighes, ti bares a pe pian, dut se à enagà.

Endèna ence da la man de la circonvallazione de Moena, sora la Campagnola, à tacà a se mever via èga e mauta e vèlch post ence tel Comun de Soraga. I prumes videoe fac da la jent de paisc e dai ghesé che te chise dis è en ferie a Moena à tacà a s'irer sui social. Video da fèr

arie e tema.

Sobito se à alertà i Polins de Fascia, i Studafech de dut l Distret, la Crouse Checena col coordinament de la Protezion zivila del Trentin e di geologes.

La gran machina di volontadives se à moet via per portèr socors e per didèr a fèr parèdes contra l'èga; lò da la scoles populères l'è stat enìgnà post per ge dèr l met de passèr la net a na cincantina de persones che no à podù più jir te còsa, l'è stat dat fora da cena ai volontadives e enìgnà cuertes per chi che n'aea de besegn.

I à lurà duta net i Studafech de Fascia e Fiem, presciapèch 100

persones, per didèr a libèr fora la piazas e la strèdes, meter en segurezza i lèsc più pericolouse e portèr socors. Duc à didà e lurà per meter a salvament chel che se podea. Fà l di dò, ence se fera amò mauta daperdut, la parbuda del paisc era dèdud modòda: n esjempie de efizienza che à maravei duc ence foradèca. Segur n bel gran delevpai a duta la Protezion zivila e ai volontadives.

Na gran solidarietà se à envia via ence sui social olache se podea lejèr comenc desche "N braciacol, forza Moena, sion duc con voetres."

Ence i jiadores de la Fiorentina, la squadra de balon che rua te paisc

doman, sabèda ai 7 de messèl, per sie ritiro de alenamenc, à fat a sacèr sun sia piata Facebook la vejananza a dut l paisc. Vèlch ghest aea pissà jà de desdir sia prenotazioni e dachelarvia duc à levà sia ousc forta per sostegnir la Fata de la Dolomites. "De gra al lurier de sacotenc volontadives - i à scrit de n maie - la Fata segur lujarà bele prest emò de sia lum."

Per fortuna nesciugn se à fat mèl e de gra al lurier, a la solidarietà e al bon cher de duc l'è stat l met de libèr fora, netèer, concèr e sporjor endondanef bele prest n paisc bel e rencurà, degn de sie inom.

Monica Cigolla